

臨武縣志卷之一

星野志

自古作史者皆志天文惟遼史獨否謂星象昭垂千古如一志之者近於衍不知畫野分州以來金水五辰河山兩戒每與人事相遷移

聖人御歷斯景星見泰階平百物繁昌民躋仁壽天人之感應不爽矣臨隸桂陽入軫六度上分膏轄之餘輝觀於軫宿所轄器府星明則禮樂作司空星明則稼穡豐人事天時相應如響應列宿而宰斯民者宜何

臨武縣志

卷之一

星野志一

如矢誠昭格以召休祥乎至抱珥重蜺合散飛流雜見於中候靈憲乾鑿度者此宣夜周髀家占測之法斯又難以罄述矣志星野

曹家玉識

軫星步天歌四星似張翼相近中央一箇長沙子左轄右轄附兩星軍門兩黃近翼是門西四箇土司空門東七烏青邱子青邱之下名器府器府之星三十二以上便是太微宮黃道向上看取是

周禮保章氏以星土辨九州之地所封封域皆有分星鄭康成註鶉尾楚也

周禮註疏翼軫荊州於辰爲巳楚之分星荊州之分土  
左傳鶉尾爲楚

爾雅鶉尾爲鳥帑按左傳杜旅註明年朱鳥尾日帑周楚

之分唐書岳鄂潭衡永郴等境爲鶉尾軫居南方七

鶉鳥之尾也又謂之鳥帑帑猶言後也軫分

春秋元命苞軫星散爲荊州

星經南宮赤帝其精朱鳥爲七宿井首鬼曰柳喙星頸

張嘯翼翻軫尾司夏司火司南岳按南岳鎮也曰

赤熒怒乘離日已以宮曰雙女以星宿曰翼軫以躔次

### 臨武縣志

### 卷之一 星野志二

朱鳥七宿爲炎精之符赤帝主之

史記翼軫荊州

天宮書南宮七宿其應周秦楚

張守節正義軫四星長沙一星轄二星合軫七星皆爲

鶉尾於辰在巳楚之分野按正義分野今之野曰楚地翼軫

陵桂陽武陵長沙及漢中汝南郡後陳魯屬焉

西漢志翼軫楚之分野今之南郡江夏零陵桂陽武陵

長沙及漢中汝南郡皆楚分

費直周易起張十二度至軫九度爲鶉尾荊州分

蔡邕月令章句鶉尾之次起張十二度至軫六度爲荆  
州

陳卓郡國躔次自張十七度至軫十一度爲鶉尾

班固三統歷自張十七度至軫十一度爲鶉尾於辰在

巳分野屬荊州

皇甫謐世紀自張十八度至軫十一度曰鶉尾之次於

辰在巳謂之大荒落於律爲夷則斗建在申今楚分

野按分野之說荆楚屬在鶉尾之巳以授時歷考之起張十四度三十分至軫十度八分

晉書天文志自張十七度至軫十一度爲鶉尾於辰在

### 臨武縣志

### 卷之一 星野志三

巳楚之分野南陽入翼六度南郡入翼十度江夏入

翼十二度零陵入軫十一度桂陽入軫六度武陵入

軫十度長沙入軫十六度

星經翼軫楚之分野荊州也翼凡十八度一說十八度七十五分

內十六尺爲黃道軫凡十七度一說十七度三十分內十三尺

爲黃道

星經斗之第四星主荊州也謂權也

唐僧一行天文志鶉尾值建巳之月內列太微爲天庭

其分野自南河以負海亦純陽地也布太微之政而

在巽維外者鶉尾也故爲烈山氏之墟

唐書天文志翼軫鶉尾也初張十五度餘千七百九十五杪二十二太中翼十二度終軫九度自房陵白帝而東盡漢之南郡江夏東達廬江南部瀕彭蠡之西得長沙武陵又逾南紀盡鬱林合浦之地自沅湘上流西達黔安之左皆全楚之分自富昭象龔繡容白廉州以西亦鶉尾之墟古荆楚郢都羅權已夔與南方蠻貊之國翼與味張同象當南河之北軫在天關之外當南河之南其中一星主長沙逾嶺徼而南爲

臨武縣志

卷之一

星野志四

東甌青邱之分安南諸州在雲漢上源之東陽宜屬鶉火而柳七星張皆當中州不得連負海之地故麗於鶉尾

唐書地理志江南道古楊州南境岳鄂潭衡永道郴邵黔辰錦施叙獎夷播思費南溪溱爲鶉尾分負五嶺而南爲桂陽則今之郴也而衡之耒陽常寧與夫藍山臨武領於桂陽之州入軫六度

宋天文志軫中一星名長沙亦曰玉衡

宋天文志北斗第二星曰璇其分爲楚

宋天文志天市垣二十二星西蕃十一星南一曰韓二  
曰楚又云中央星曰司空主鎮星楚也又云十二國  
凡十六星在牛女之南其魏西一星曰楚按舊志云  
南第十星  
誤曰楚

爾雅邢昺疏已爲鶉尾初張十八度終軫十一度長沙  
軫十六度今長沙寶慶衡州岳州所屬巴陵臨湘平

江等地按長沙入軫十六度今長沙茶陵湘潭新化  
寧鄉瀏陽醴陵攸縣安化寶慶府新化  
衡陽安仁酃州縣衡山巴陵臨湘平江桂陽入軫六度  
卽今郴之六縣及耒陽常寧桂陽臨武藍山嘉  
禾邢疏只舉軫十六度就長沙諸郡  
而言而桂陽入軫十六度未疏及也

### 臨武縣志

### 卷之一 星野志五

馬貴與文獻通考南方朱鳥七宿軫四星十七度按四星

者止舉軫宿正星而言未及  
長沙左右兩轄故云四星

明史張十六度至軫九度鶉尾之次也湖廣之武昌府  
興國州荊州府歸夷陵荊門三州黃州府蘄州襄陽  
德安二府安陸沔陽二州皆翼軫分長沙府軫旁小  
星曰長沙應其地衡州府桂陽州永州府全道二州  
岳州常德二府澧州辰州府沅州漢陽府靖郴二州  
寶慶府武岡鎮遠二州皆翼軫分廣西所屬除梧州  
之蒼梧藤容岑溪四縣屬牛女分餘皆翼軫分廣東

之連州韶州府欽州皆翼軫分 以上軫星分野

宋史天文志漢永元銅儀以軫宿爲十八度舊去極九

十八度景祐測驗六十八度去極一百度 按天有三

度四分度之一而有餘歲日四分之五日四分之一天度四分度之一而有餘歲日四分之五日四分之一天

常平運而舒口道常內轉而縮天漸差而西歲漸差而東唐一行所謂歲差是也朱子曰中星自堯時至

今已差五十度觀宋志十八度今十三度人止知緯星有差不知經星亦有歲差也

宋兩朝天文志軫四星距西北去極一百三度半右轄

去極一百一十度半入翼宿十六度半左轄去極一

百一度半入軫宿五度軍門二星距西南去極一百

### 臨武縣志

### 卷之一 星野志六

一十二度半入翼宿十三度土司空四星距南去極

一百二十度入翼宿十四度青邱七星距西北去極

一百二十四度半入軫宿五度器府三十二星距西

北去極一百三十七度半入軫宿八度半

宋兩朝天文志左執法去極八十六度入軫宿初度半

謁者一星去極八十三度入軫宿一度三公三星距

東星去極八十四度半入軫六度九卿三星距西北

星去極七十五度入軫七度內五諸侯五星距西星

去極七十度入軫一度又云郎將一星去極四十七

度半入軫十一度常陳七星距東星去極五十一度  
半入軫初度

月令仲冬之月旦軫中

三統術四月節昏軫四度中去日一百四度入月節日在軫

十二度十月中旦軫五度中

元嘉術四月中昏軫十度中八月中日在軫十五度十  
一月節旦軫八度中

唐月令仲秋之月日在翼中氣日在軫仲冬之月旦軫

中以上軫星躔度

臨武縣志

卷之一 星野志七

史記軫爲車主風其旁有小星曰長沙星星不欲明明  
與四星等若五星入軫星中主兵

天官書軫主冢宰輔臣

正義軫四星主冢宰輔臣又主車騎亦主風占明大則  
車騎用長沙一星在軫中主壽命占明則主長壽子

孫昌

星經玉衡星主荊州常以五卯日侯之乙卯爲南陽己  
卯爲零陵辛卯爲桂陽癸卯爲長沙丁卯爲武陵  
象緯書北斗七星魁四星爲璇璣杓三星爲玉衡又斗

星一天樞爲天二璇爲地三璣爲日四權爲時五衡爲音六闔陽爲律七瑤光爲星石氏曰一主天主秦二主地主楚三主火主梁四主水主吳五主土主燕六主木主趙七主金主齊

史記吳楚之疆候在熒火占於烏衡

烏衡柳星也

星經熒火主霍山荆陽交州

晉書天文志土司空四星在青邛西主界域亦曰司徒均明則天下稼穡豐

索隱軫與巽同位爲風車動行疾似之也

臨武縣志

卷之一 星野志八

晉書天文志軫四星主冢宰輔臣也主車騎主載任有軍出入皆占於軫又主風軫星明則車駕備動則車駕用轄星附軫兩旁主王侯左轄爲王者同姓右轄爲異姓

唐書星紀鶉尾以負南海其神主於衡山熒火位焉

天文五車星在畢比五帝座也東南中一星曰司空主

鎮星楚也又曰司空星明其地歲豐

按舊志劉凝齋先生曰五車星

任畢度畢口斜對五車口中有三柱司空在天倉卿之中實木火之間也

宋天文志太微垣三台六星其西近文昌二星曰上台

爲司命上主兗豫下主荆陽

論語摘輔象兗豫屬上台荆楊屬下級

步天歌女宿下有十二諸國第九星主楚步天歌白楚

之一國魏西屯

按舊志書十二國有十六星曰趙趙齊北

曰鄭鄭北曰越越東二星曰周東南北列二星曰秦

秦南二星曰代代西曰晉晉北曰韓韓北曰魏魏北

曰楚楚南曰燕劉凝齋先生曰十二國在女十二度

宋史天文志青邱七星在軫東南蠻裔之國號守常則

吉軍門二星在青邱西

一曰在土

天子六宮之門主

### 臨武縣志

#### 卷之一

星野志九

營候設豹尾旗與南門同占器府三十二星在軫宿南樂器之府明則八音和君臣平

徐氏天元說玉衡之下爲軫軫者帝車之軌也斗爲帝車運乎中央軫前爲角爲亢爲氏角者駕車之牛亢者牛杓氏者馬籟所以扞牧圉駕必爲前道軫後爲翼爲張旂常也大車後必設兩旂如張翼然盖自亥至辰爲陽陽主動故爲行動之象

星經黑雲氣貫翼軫荆楚水星孛於翼近太微上將兵興有灾軫七星主將軍樂府歌讙之事五星犯之失

位亡國女子主政人失業賊黨掠人禍生於百日內  
若光耀則天下昌萬民康四海歸王太白守之天下  
學校散文儒失業又云軫北星爲轄去軫五寸南星  
爲膏去軫一尺爲常欲其近軫則上下和睦遠則君  
臣相疑過一尺爲遠不及一尺爲近小而明則國祚安明大與四  
星等則兵大起微暗諸侯憂

步天歌測驗軫宿云軫主死喪中一星長沙爲棺木主  
壽命明大法駕備移徙人主憂就聚兵起日暈軫王  
者惡之內兵起月暈軫大將戰死月以正月暈大饑

## 臨武縣志

### 卷之一

星野志十

十二月暈內兵盡出四月暈天子有德令月犯之兵  
車用木守之國有病喪兵起木逆行入軫多火災火  
守之將軍憂兵起土守之士功與土逆行其下國戰  
不勝金守之將軍爲亂四夷兵大起又云客星犯軫  
民饑兵起彗星守軫天下兵亂以上軫星主應占候

按舊志鄒豈石跋曰竊按分野之說如天文所載  
郡與衡山安酃四邑及潭州諸屬皆入軫之十六  
度臨與常耒桂陽藍嘉及郴之六州邑俱入軫六  
度固已然考一度之廣袤將三千里若臨藍諸邑

之去郡遠者姑無論常耒則與郡實接畛矣而所分之野則有六度與十六度之別中間相距遼絕已極豈天壤之道里互異耶夫軫處南之太荒落此猶以南方之宿分野于南也如斗牛處北之赤奮若而分野于吳越井鬼處南之協洽而分野于秦雍奎婁處西之闔茂而分野于魯徐是北宿司南而南宿司北西宿又司東也抑楚既屬翼軫矣而女下十六星之一與畢北五車之司空星皆主楚是齊衛分野之星亦與於楚也太微上臺之

臨武縣志

卷之一

星野志十一

司命星與天市西垣之第十星亦主楚是天庭帝座之星亦與於楚也要而論之大都星之專屬者如郡邑之有守令諸路之有方伯也而其散見分屬者如大吏之有兼轄他郡之有協理也故軫星之繫於楚南此如守土之吏其於占法爲正主也三垣列舍之司夫楚徼此如兼綜之職其於占法爲副貳也亦猶軫爲楚之分星而復外主兵車內主宰輔非互爲叅屬者乎此其故雖不出於占候而揆所由然蓋若有遠邇相維外內相攝之理卽

如南星比野主分錯異皆是道也此國家倣之而  
爲分爵建官之法也至若以郡縣之道里律躔次  
之遠近遥遥霄漢將黍度而寸測之乎彼查冥之  
道庸執泥以求哉嚮明而治者則第治其至明者  
可也